



Inatsisartut Siulittaasuannit
Lars-Emil Johansenimit

NUTAARSIASSAT

Ukiup affaa kingulleq 2013



AALLAQQAASIUT

Ulloq 12. marts 2013 Inatsisartunut nutaamik qinersisoqarpoq, inissititerlunilu ataatsimiinnerit ulluni 5. aamma 8. april 2013 ingerlanneqarlutik. Piffissaq qinersiviusoq pissutaalluni ileqquumsumik upernaakkut ataatsimiittoqanngilaq, taarsiullugulu ulloq 9. april 2012 immikkut ittumik ulloq ataaseq ataatsimiittoqarluni.

Ukiakkut ataatsimiinneq septembarimi tallimanngornerit aappaanni aallartittussatut aalajangerneqarpoq. Ukiakkut ataatsimiineq ulloq 27. november naammassivoq.

Qinersinerup inernera naapertorlugu:

Siumut (S) 14-inik ilaasortaataqalerput,
Inuit Ataqtigiit (IA) aqqanilinnik ilaasortaataqalerlutik,
Atassut (A) marlunnik,

Partii Inuit (PI) marlunnik aamma Demokraatit (D) marlunnik.

Ukiakkut ataatsimiinnerup ingerlanerani PI-mut ilaasortaqaq ataaseq Siumumut nuuppoq, taamaallilluni PI maanna Inatsisartuni ataatsimik ilaasortaataqarluni Siumut 15-inik ilaasortaataqarpoq.

Aprilimi inissititerfiusumik ataatsimiinnermi S, A aamma PI naalackersuisooqatigiittussanik pilersipput Naalackersuisuni arfineq-pingasunik ilaasortalimik. Naalackersuisunngortunit pingasunut Inatsisartunut ilaasortaanngillat, ilaasortallu sisamat Naalackersuisunngortut Inatsisartunit sulingiffeqarlutik. Tamanna isumaqarpoq Naalackersuisunut ilaasortat sulingiffeqartut taarserlugit sinniisussat sisamat Inatsisartunut ilaasortanngormata.

Ukiakkut ataatsimiinnerup nalaa-ni PI naalackersuisooqataajun-



Ulloq 5. april inissititerneq

naarmat naalakkersuisooqatigiit allanngortinneqarput, Siumut Atassullu kisimiillutik naalakkersuisuutitaqalerlutik Naalakkersuisuni qulingiluanik ilaasortalinni.

Naalakkersuisooqatigiinni nutaani ilaasortat marluk Inatsisartunut qinigaanngillata arfinillillu Inatsisartunit sulinngiffeqarlutik.

Taamaattumik Inatsisartut ataatsimiittarfianni issiasartut tamaa-

QINERSINERUP KINGORNA SIULITTAASUP INGERLATAI SIULLIIT


Inatsisartut Siulittaasuattut nutaamik qinigaaqqaatut sinniisutut suliassat siulliit ilagisimaavaat nunat allat ambassadørinik arlalinnik naapeqateqarnerit, taakkumi ileqquliussimammasuk annerusumik upernaakkut nunat-sinnut tikeraartarnertik.

Taamaalilluni tyskit ambassadøriat Michael Zenner tikeraarpoq:



sa kisikkaanni, taakku 39-upput, taakkunannga 31-it Inatsisartunut ilaasortaallutik arfineq-pingasullu Naalakkersuisunut ilaasortaallutik, Inatsisartunit sulinngiffeqarput Inatsisartunulluunniit qinigaasimanngitsut. Inatsisartunut ilaasortat 31-it kisimik taaseqataasinnaapput, 39-illi tamarmik Inatsisartuni oqaaseqarsinnaalutik.

Norskillu ambassadøriat Ingvar Havnen:



Kiisalu aamma pukkitsormiut ambassadøriat Eduard Middeldorp aamma pulaarpoq, uanilu takuneqarsinnaalluni siulittaasoq pukkit-sormiullu konsuliat ilagalugit:



TIMERSOQATIGIIT KATUFFIANNIK ILLERSUISUUNEQ

Inatsisartut Siulittaasuat nunatsinni Timersoqatigiit Kattuffiata GIF-ip malittarisassai malillugit kattuffimmut illersuisuusussa-avoq. Timersoqatigiit Kattuffianut illersuisuunneq annerusumik kattuffiup nunatsinni nunanilu allani pisortatigoortumik aqqis-suinerinut atatillugu sinniisutut atuuffiuvoq. Taamaalilluni taman-na tunngavigalugu siulittaasoq 2014-imi marsimi Alaskami Fairbanksimi Issittormiut Ukiuunerani Unammiaaqaqatigiinnerannut Arctic Winter Gamesimut peqataasussatut qaaqqusaasimavoq.



Siulittaasoq Timersoqatigiit Kattuffiata siulittaasua Nuka Kleemann ilagalugu

NUNAT AVANNARLIIT KILLIIT SIUNNERSUISOQATIGIIFFIANNI ATAATSIMIITTARNERIT

Kalaallit Nunaat Nunat Avannarliit Killiit Siunnersuisoqatigiiffianni 2012-imi aggustimiit Narsarsuarmi aggustimi 2013-imi ukiumoortumik ataatsimiinnissap tungaanut siulittaasuutitaqarpoq. Taamaattumik Inatsisartut Siulittaasuat taamatut atuunnermini upernaanerani ulapingaatsiarpoq arlaleriarluni ataatsimeeqateqartarlunilu angalasarluni, minnerunngitsumillu Norge ukiup affaani tassani arlaleriarluni tikin- neqarluni.

Taamatuttaaq upernaag taanna Islandimi nunatsinnilu inatsisartunut qinersisoqarpoq, taamaattumillu nunatsinnit islandimiillu aallartitat nutaanik ilaasortaqa-lerlutik siulittaasoqarfillu marlun- nik nutaanik ilaasortaqaqarluni. Nunat Avannarliit Killiit Siunnersuisoqatigiiffiata siulittaasoqar- fianut ilaasortaapput Inatsisartut Siulittaasuat, Bill Justinussen Savalimmiuniit kiisalu Unnur Brá Konráðsdóttir Islandimiit taakkulu juunip qaammataani Bodømi siul- lerneerlutik naapipput.

SCPARIP INNGIKITSULIMMI ATAATSIMIINNERA

Inatsisartut Siulittaasuat Nunat Avannarliit Killiit Siunnersuisoqatigiiffiata siulittaasoqarfiani siulittaasutut juunimi Inngikitsulummi Svalbardimi SCPAR-ip ataatsimiinneranut peqataavoq, tassanilu Issittumi Siunnersuisoqatigiit ataatsimiinneranik kingullermik nunatta peqataani-arnani nalunaarnera sammisanut pingaarnernut ilaalluni.



SCPAR tassaavoq "The Standing Committee of Parliamentarians of the Arctic Region" (Issittumi Inatsisartunut ilaasortat atavartumik ataatsimiititaliaat) issittumi naalagaaffinnit arfineq-pingasuumit kiisalu EU-mit sinniisuuffigineqartoq. Inatsisartut SCPAR-imi aalajangersimasunik ilaasortaataqaratillu ilaasortaannngillat. Taamaattumik Inatsisartut Nunat Avannarliit Siunnersuisoqatigiiffiata siulittaasoqarfia aqqutigalugu nunat avannarliit killiit suleqatigiinnerat sinnerlugu nunarput peqataagaangat ukioq allortarlugu taamaallaat sinniiseqartarput. Nunat Avannarliit Killiit Siunnersuisoqatigiiffiat taamatuttaaq SCPAR-imut taamaallaat alaatsinaatsutut inissisimavoq.

Inngikitsulummi ataatsimiinnermi Kirunami Issittumi Siunnersuisoqatigiit nalunaarutaat kingulleq SCPAR-ip oqallisigaa.

SCPAR-ip ataatsimiinneranut peqataasut ersersippaat neriutugalugu Issittumi Siunnersuisoqatigiinnut EU-p alaatsinaatsutut inissisimalernissaminik qinnuteqaataa Canadap siulittaasuutaqarnerata nalaani aqqinneqarumaartoq, soorlu aamma SCPAR nunatta Issittumi Siunnersuisoqatigiinnut peqataanianginnerminik nalunaarnerata malitsigisaanik oqaaseqaateqartoq oqaatigalugu Issittumi Siunnersuisoqatigiit aamma siunissami peqataatitsineq ilisarnaatigiumaaraat.

SCPAR-ip isumaqatigiissutigaa SCPAR-ip tullianik ataatsimiinnissaata tungaanut sammineqartussaq tassaassasoq Issittumi aningaasaqarniarnikkut ineriartorneq piginnaasanillu ineriartortitsineq. Tamatumunnga atatillugu ataatsimiinnermut peqataasut kissaatigaat nalunaarusiassamut qulequttat makku pillugit sukumiinerumik paasissutissiorlunilu nalilersuisoqassasoq; sanaartornerup piujuartitsinermik tunngaveqarnissaanut najoqqutassat, issittumi inuuniarnerup akitsoriartuinnarnera, suaassuseq tunngavigalugu inissisimaneq najukkanilu innuttaasunik peqataatitsineq CSR-ilu.

SCPAR-ip ataatsimiinnerat peqataasut tamatuma saniatigut pingaartippaat silap pissusiisa allanngoriartorneri Issittumi Siunnersuisoqatigiinni pingaartinneqartuassasut. Silap pissusiisa allanngoriartornerisa malitsigisaanik ajornartorsiutit qaangerniarnissaat aningaasaqarniarnikkut ajornartorsiutit qaangerniarneqarnissaannit pingaaruteqarnerunersut ukiuni aggersuni Issittumi Siunnersuisoqatigiinni pingaarnersiuinermi qitiutinneqartussanut ilaapput. Taamaattumik SCPAR-ip suliassa qarfiit tamakku nalunaarsuiassamini 2014-imi Whitehorsemi Issittumi inatsisartunut ilaasortat ataatsimeersuarnissaanni saqqummiunneqartussatut naatsorsuutigineqartumi immikkut samminiarpai.

NUNAT AVANNARLIIT KILLIIT SIUNNERSUIISOQATIGIIFFIATA NUNAT AVANNARLIIT SIUNNERSUIISOQATIGIIFFIATA SIULITTAASOQARFIA- NIK ATAATSIMEEQATEQARTARNERI

Ukioq manna aamma juunimi Norgeliartoqaqqippoq, tamatumani Nunat Avannarliit Killiit Siunnersuisoqatigiiffiata siulittaasoqarfia Bodømi Nunat Avannarliit Siunnersuisoqatigiiffiata siulittaasoqarfiata aasaanerani ataatsimiinneranut peqataanermut nangissutitut Bodømi siullermeerutaasumik ataatsimiimmat.



Nunat Avannarliit Killiit Siunnersuisoqatigiiffiata siulittaasoqarfittaavaa

Nunat Avannarliit Siunnersuisoqatigiiffiata ataatsimiittarnerisa avataatigut Nunat Avannarliit Siunnersuisoqatigiiffiata siulittaasoqarfianik qaninnerusumik suleqateqarnissani Nunat Avannarliit Killiit Siunnersuisoqatigiiffiata ukiuni arlalinggortuni sulissutigisimavaa. Taamaattumik Nunat Avannarliit Killiit Siunnersuisoqatigiiffiata ukiumoortumik ataatsimiinnerinut peqataasarnini

ataatsimiinnernilu taakkunani quleqquttat sammineqartartut tungavigalugit Nunat Avannarliit Siunnersuisoqatigiiffiata siulittaasuata norgemeersup kissaatigisimavaa suleqatigiinnerunissamik kissaateqarneq timitalersimavaa aasaanerani ataatsimiinnerminnut qaaqqusinerikkut. Suleqatigiinnerup tamatuma ukiuni aggersuni ineriartorteqqinneqarissaa Nunat Avannarliit Killiit Siunnersuisoqatigiiffiata qilanaaraa.

Nunat Avannarliit Killiit Siunnersuisoqatigiiffiata Nunat Avannarliit Siunnersuisoqatigiiffianik suleqateqarnerulernera, taamatuttaaq Nunat Avannarliit Siunnersuisoqatigiiffianni Nunat Avannarliit Killiit Siunnersuisoqatigiiffiata inissisimanera eqqarsaatigalugu soqutiginarumik ineriartorneruvoq, tassami nunarput savalimmiullu Nunat Avannarliit Siunnersuisoqatigiiffianni "nunatut" taagorneqarsinnaanngimmat, naak Nunat Avannarliit Killiit Siunnersuisoqatigiiffiata nunat tamalaat akornanni aqqissuusamik suleqatigiinnikkut nunat pingasut inatsisartutigoortumik suleqatigiinnerat matussuse-reeraluaraa.

NUNAT AVANNARLIIT KILLIIT SIUNNERSUISOQATIGIIFFIATA NARSARSUARMUKIUMOORTUMIK ATAATSIMIINNERA

Nunat Avannarliit Killiit Siunnersuisoqatigiiffiata ukiumoortumik ataatsimiinnera ulluni 17. – 22. august Narsarsuarmi ingerlanneqarpoq. Ukiumoortumik ataatsimiinneq nangiinnarlugu taamatutaaq Nunat Avannarliit Siunnersuisoqatigiiffiat, Folketingi Storting-ilu peqatigalugit ataatsimut ataatsimeersuartitsisoqarpoq qulequtaralugu: Pisuussutit uumassusillit, Atlantikup Avannaani ataatsimut aalisagaatit ilanngul-

lugit, iluaqutiginiarneqarnerannik ataatsimut paasinninnisaq.

Ukiumoortumik ataatsimiinnermut atatillugu Nunat Avannarliit Killiit Siunnersuisoqatigiiffiat tusagassioffinnut nalunaaruteqarpoq, EU-p Savalimmiormiut Islandillu avaleraasartooriarnerat pissutigalugu Savalimmiormiunillu taakku ammassassuarniarnerat pissutigalugu mattussiniarluni siorasaarineri sakkortuumik assuarliutigalugit.

NUNAT AVANNARLIIT KILLIIT SIUNNERSUISOQATIGIIFFIANNI SIULITTAASUUTITAQARNEQ



NAKS-imut aallartitat Igalikumi Narsarsuarmi ukiumoortumik ataatsimiinnermut atatillugu

Aggustimi ukiumoortumik ataatsimiinnerup naammassinissaata tungaanut nunarput Nunat Avannarliit Killiit Siunnersuisoqatigiiffianni siulittaasuutitaqarpoq, tamatumalu kingorna Islandimit aallartitat siulittaasuat nutaaq Unnur Brá Konráðsdóttir siulittaasunngorluni.

Nunat Avannarliit Killiit Siunnersuisoqatigiiffia tullianik ataatsimiisitsinissaa 2014-imi januaarimi Savalimmiuni Sandoyimi pissaaneq, tassani aalajangersimasumik qulequtaqartitsilluni ataatsimeersuartitsisoqassalluni nunani ilaasortani pingasuni inuusutissanik imminut pilersorneq qulequtarineqassalluni.

NUNAT AVANNARLIIT KILLIIT SIUNNERSUISOQATIGIIF- FIANIT KAAMMATTUUTITUT AALAJANGERSAKKAT

Nunat Avannarliit Killiit Siunnersuisoqatigiiffiat ukiumoortumik ataatsimiinnermini kaammattuutitut aalajangersakkanik nutaanik sisamanik akuersivoq. Kaammattuutit marluk peqqinnissaqarfimmi nunat avannarliit killiit suleqatigiinnerat pillugu 2013-imi jnuaarimi aalajangersimasumik qulequtaqartitsilluni ataatsimeersuartitsinermi aallaaveqarput. Kaammattuutit allat marluk savalimmiunit aallartitaninngaanersuupput. Island nunarpullu qanittukut inatsisartunut qinersinerit pissutigalugit ukiumoortumik ataatsimiinnissaq sioqqullugu kaammattuutitut aalajangersagassutut siunnersuusiornissaminut periarfissaqarsimangillat.

Savalimmiunit kaammattuutit aalajangersagassatut siunnersuutip aappaani naalakkersuisut

ataatsiakkaat kaammattorneqarput atuakkiornermik allannermillu pikkorisartitsinissamut periarfissiuusseqqullugit, siunnersuutillu aappaani naalakkersuisut kaammattorneqarlutik nunat avannarliit killiit issittoq eqqarsaatigalugu ataatsimut ilioriusisiaat nukittorsaqqullugu.

Kaammattuutitut aalajangersakkat nutaat sisamat 2014-imi upernaakkut ataatsimiinnermi Inatsisartunut oqaluuserisassanngortinneqassapput.

Kammattuutitut aalajangersakkat inatsisartuni pingasuni aalajangiiffigisassatut siunnersuutitut suliarineqartarput, naak siunnersuutit assigiingitsut imarisaannik isumaginneqqullugit Naalakkersuisunut kaammattuutit taamaallaat imaqartarluartut.

SAAMIT INATSIARTUNI JOKKMOKKIMI UKIUNIK 20-INNGORTORSIORLUTIK NALLIUTTORSIORNERAT

Saamit inatsisartuisa ukiut 20-nngortorsiorlutik nalliuttorsiuqineqarneranni aggustimi siulittaasoq qaaqquneqarpoq Jokkmokkimi inatsisartut inissititerlutik ataatsimiinnerannut peqataaqqulugu.

Sverigemi Saamit inatsisartui marloqiusamik atuuffeqarput, naalagaaffiup ataavi oqartussatut ingerlatsiviutigalutik peqatigitillugu inatsisartuugamik inunnit qinikkat. Saamit inatsisartuinit maajimi 2013 qinersisoqarpoq, mannalutassi inissititerfiusumik ataatsimiinnerulluni. Svenskit kunngiat Carl Gustav taamaalilluni malunnartitsiniarnermut peqataavoq. Persuarsiorfiusumik ulloq ammaanersiorfik aallarnerlugu Saamit inatsisartuinit nutaanut inissitertussanut nutaamik qinigaasut tamarmik inuusuttunit marlunnit aqqisigut taallugit nikuisinneqartarput taannaanertillu uppersarsarlugu. Qangali ileqqoq tamanna misigalugu assut soqutiginarpoq.

Tamatuma kingorna assigiinngitsunik oqalugiartoqarlunilu nipilersortunik akunniliisoqartarpoq. Siulittaasup oqaaseqarninni nunat

inoqqaavisa pisinnaatitaaffii siuarsarniarlugit Saamit Inatsisartuisa Inatsisartullu suleqatigiinnerat, minnerunngitsumik Naalagaaffiit Peqatigiit iluanni, erseqqissarpara. Tamatumani pisinnaatitaaffitik illersorniarlugit pitsanngorsarniarlugillu Saamit inatsisartui suliniuteqartuarput, peqatigitillugulu saamit nunaanni pisuussutiniq iluaquteqarniarnisaq aamma soqutigineqaleriartuinnarluni.



Taamaattumik aamma Saamit inatsisartui tamannarpiaq pisutigalugu Saamit inatsisartuinit ilaasortanut qaaqqusanullu savinissamik paaaffissatut pilersaarutigineqartumut aqqusinermik assersuisunut alakkaatitsipput saviminissamik paaaviliorniarnermut akerliussutsimik takutitsisunut tapersersuinertik ersersinniarlugu.

JUULIMI, AGGUSTIMI, SEPTEMBARIMI OKTOBARIMILU NERSORNAASIINERIT

Siulittaasoqarfik aasap ingerlanerani arlalinnik Nersornaasiivoq Uummannami, Aasianni, Igalikumi, Qaqortumi Københavnimilu tunniunneqartunik.

Uummannami juulip qaammataani illoqarfiup nalliuttorsiorneranut atatillugu pingasunik Nersornaasiisoqarpoq. Naalakkersuisut Siulittaasuat Aleqa Hammond kuultiusumik Nersornaaserneqarpoq, Ann Andreassen Tobias Grønvoldilu sølviusumik Nersornaaserneqartut.



Ann Andreassen



Aleqa Hammond



Tobias Grønvold

Tamatumuna kingorna Aasianni juulip qaammataani illoqarfittut nalliuttorsiorneranut atatillugu marlunnik Nersornaasiisoqarpoq, Ane Hansen Augo Davidsenilu sølviusunik Nersornaaserneqarmata.

Aggustip qaammataani Narsarsuarmi Nunat Avannarliit Killiit Siunnersuisoqatigiiffiata ukiu-



Augo Davidsen aamma Ane Hansen

moortumik ataatsimiinneranut
atatillugu Igalikumi Inatsisartut
siulittaasorisimasaat Josef Motz-
feldt kuultiusumik Nersornaaser-
neqarpoq.



Josef Motzfeldt

Kiisalu oktobarimi Københavnimi
Bryggenimi nunatta sinniisoqar-
fiani Arne Villumsen sølviusumik
Nersornaaserneqarpoq.



Arne Villumsen

Septembarimi Qaqortumi Sulisar-
tut Højskolianni Aka Høegh sølvi-
usumik Nersornaaserneqarpoq.



Kim Kielsen, Aka Høegh aamma Ivars Silis

SIULITTAASOQARFIUP FOLKETINGILLU SIULITTAASOQARFIATA ATTAVEQAATITUT ATAATSIMIITITALIAMI ATAATSIMIINNERAT

Inatsisartut Siulittaasoqarfiat
Folketingillu siulittaasoqarfiata
ukiumoortumik attaveqaatitut
ataatsimiititaliami ataatsimiit-
tarput, parlakaallugit nunatsinni

Danmarkimilu ingerlanneqartar-
tunik. Ukioq manna ataatsimiin-
neq ulluni 1.-4. september Søn-
derjyllandimi ingerlanneqarpoq.
Attaveqaatitut ataatsimiititaliami

inatsisartoqarnermi misilittakka-
nik paarlaasseqatigiittoqartarpoq
qulequttallu ataatsimut soqutigini-
saqarfit oqallisigineqartarlutik,
minnerunngitsumillu Folketingip
siulittaasoqarfianit nunatsinni
naalackersuinikkut pisut kingulliit
tupinnanngitsumik soqutigine-
qarluartarlutik. Tullianik ataatsi-
miinnissaq 2014-imi aggustimi
Qeqertarsuarmi pisussatut piler-
saarutaavoq.

*Attaveqaatitut ataatsimiititaliaq
septembarimi 2013-imi Flensborgimi
Istedløvip saavani*



UKA13-IMIK SIULITTAASOQARFIUP PIAREERSAANERA

Ukiakkut ataatsimiinnissamut
(UKA13) oqaluuserisassat siulit-
taasoqarfiup ulloq 16. august
2013 saqqummiuppai. Nuannaar-
rutissaavoq aammaarluni oqaluu-
serisassat taamak siusitsigisuk-
kut saqqummiunneqarmata,
taamaaliornikkummi Inatsisartu-
nut ilaasortat innuttaasullu kiisalu
allaffeqarfiit ataatsimiinnerup
aallartinnissaanut piareersarnis-
saminnut piffissaqartinneqarluar-
tarmata.

UKA13-imut ilaasortat siunner-
suutaat nutaat 54-it tiguneqarput,
Naalackersuisullu immikkoortu-

mik nutaanik 31-nik oqaluuseri-
sassaateqarlutik.

Ukiakkut ataatsimiinnerup naam-
massineqarfissaatut naatsorsuu-
tigineqartoq ulloq 15. november
immikkoortut kinguartinneqartut
oqaluuserisassallu ulloq taanna
naammassineqanngitsut aqagua-
nut ingerlaqqittarnerat pissuti-
galugu ulloq 27. novemberimut
kinguartinneqarpoq, siunnersuu-
tit oqaluuserisarnerisa akornanni
ataatsimiititaliat naammattumik
piffissaqarlutik sulinissaat qular-
naarniarlugu.

NUUMMI NUNAT AVANNARLIIT KILLIIT KULTURIKKUT ULLOQARTINNEQARNERAT

Ukiuakkut ataatsimiinnerup ammarneqarneranut peqatigitillugu ulluni 13. aamma 14. september Nuummi nunat avannarliit killiit kulturikkut ulloqartinneqarput. Ulloq taanna aappassaa nunat-sinni ingerlanneqarpoq, Nunallu Avannarliit Killiit Siunnersuisoqatigiiffiata aalajangersakkatut kaammattuutaa tunngavigalugu

pilersimalluni. Kulturikkut ulloqartitsineq nunani ataasiakkaani paarlakaajaalluni ingerlanneqar-tarpoq, tullianillu Savalimmiuni ingerlanneqassalluni. Inatsisartut ataatsimiinnerata ammarneqar-neranut atatillugu Katuami kul-turikkut pisut peqataaffigisin-naaniassammatigut inatsisartunut ilaasortat qaaqquneqarput.

NUNAT AVANNARLIIT KILLIIT SIUNNERSUISOQATIGIIFFIAT PILLUGU INATSIARTUNIK ISUMASIOQATIGIISSITSINEQ

Ulloq 18. oktober Nunat Avannar-liit Killiit Siunnersuisoqatigiiffiata sulinera pillugu Inatsisartunut ilaasortat soqutiginnittullu allat iluatsittumik isumasioqatigiis-sinneqarput. Allattaaneq Islandi-meersoq Nunat Avannarliit Killiit Siunnersuisoqatigiiffianni sulineq pillugu sukumiisumik saqqum-miivoq. Kissaatigineqarsimavoq Nunat Avannarliit Killiit Siunnersuisoqatigiiffiata sulinera tama-tumalu ukiuni kingullerni ineriartornera pillugit paasissutissanik

kingullernik isumasioqataasut pissarsisinneqarnissaat. Taamaa-lilluni Nunat Avannarliit Killiit Siunnersuisoqatigiiffiata ukiut kingulliit ingerlaneranni ilaatigut EU-mut Issittumilu Siunnersui-soqatigiinnut pitsaasunik attaveqarlersimavoq, soorlu aamma siunnersuisoqatigiiffiup sulinera avataaniit aamma soqutigineqar-nerulersimasoq Issittup nalingin-naasumik soqutigineqaleriartor-nera ilutigalugu.

ISLANDIP NUNANUT ALLANUT MINISTERIANIT NUNAL-LU AVANNARLIIT KILLIIT SIUNNERSUISOQATIGIIFFIATA SIULITTAASUANIT PULAEARNEQARNEQ

Nuummi aallartitaqarfimmik kon-sulatimik Islandip ammaaneranut atatillugu Islandip nunanut allanut

ministeria kiisalu Nunat Avannar-liit Killiit Siunnersuisoqatigiiffiata siulittaasua novembarimi Inatsi-

sartut siulittaasuannut pulaarput. Islandiup aallartitaqarfiata ammarneqarnera taamaalilluni Nunat Avannarliit Killiit Siunnersuisoqatigiiffianit kaammattuutit aalajangersakkap inerneraa.

Siulittaasoq Islandip nunanut allanut ministeria, Nunat Avannarliit Killiit Siunnersuisoqatigiiffiata siulittaasua kiisalu Islandip nunatsinni konsulitaava nutaaq ilagalugit



NUUMMI ISLANDIMI AALLARTITAQARFIATA KONSULATIP AMMARNEQARNERA

Islandip aallartitaqarfiata ulloq 8. november pisortatigoortumik ammarneqarneranut atatillugu peqataaqullugit Inatsisartut qaaqquneqarsimapput. Ammaanermut islandip nunanut allanut ministeria

peqataavoq Naalakkersuisullu siulittaasuat peqatigalugu aallartitaqarfik ammarlugu. Tamatuma kingorna ilinniarnertuunngorniarfiup paarsuaani nutaami alutor-nartumik ilasseqatigiittoqarpoq.

OSLOMI NUNAT AVANNARLIIT INATSIARTUISA SIULITTAASUINIK ATAATSIMEEQATEQARNEQ

Norskit inatsisartuinut siulittaasunngorlaap Olemic Thommessen suliassami siulliit ilaattut kissaatigisimavaa Nunat Avannarliit Siunnersuisoqatigiiffiata Oslo mi ataatsimiinnera atorniarlugu nunani avannarlerni inatsisartut siulittaasuinik, tamarmik Nunat Avannarliit Siunnersuisoqatigiiffiata ataatsimiinnerinut ileqquumsumik peqataasartunik, ataatsimiisitseriaaseq siusinnerusukkut misilinneqarsimasoq malitseqartinniarlugu.

Nunani avannarlerni arfineq-pi-

ngasuusuni inatsisartut siulittaasogarfiisa sinniisaannit tamanit peqataaffigineqartumik ataatsimiisitsineq iluatsippoq, tassanilu nunani avannarlerni inatsisartuni ataatsimut ajornartorsiutit oqalli-



Nunani Avannarlerni Inatsisartut siulittaasui

sigineqarlutik. Tamatumani ila-
tigut pineqarput inatsisartunut
isersinnaaneq eqqarsaatigalugu
isumannaallisaaneq innuttaasunut
ammasunik ingerlatsinissamut
sanilliullugu, Facebookimik inatsi-
sartut atuinerisa aqunneqarnerat,
nunani assigiinngitsuni oqallise-
riaatsit, tusagassiorfinni nalingin-
naasumik naalakkersuisut sam-
mineqartarnerannut sanilliullugu
innuttaasut akornanni inatsisartut
saqqumilaarnerat il.il.

Taamaalilluni inatsisartut siulit-
taasuisa akornannit isumaqati-
giissutaavoq siunissami taamatut

naapeqatigiittarnerit Nunat
Avannarliit Siunnersuisoqatigiif-
fiata ataatsimiinnerinut, nalune-
qanngitsutut nunani ataasiakkaani
paarlakaajaalluni ingerlanneqar-
tartut, ingerlateqqinniarlugit
ataatsimullu soqutigisat oqallisi-
gisarlugit.

Nunani avannarlerni killerni Inat-
sisartut siulittaasui taamaalillutik
aalajangersimasumik ukiumut
ataasiarlutik naapitalereerput,
Islandimi, Savalimmiuni nunat-
sinnilu inatsisartut siulittaasui
tullianik Ilulissani juunimi naapis-
sallutik.

2013-IMI UKIAKKUT ATAATSIMIINNEQ KISITSISINNGORLUGU

2013-imi Ukiakkut ataatsimiinneq ulloq 13. september aallartippoq
ullorlu 27. november naammassilluni.

Ullut ataatsimiiffiusut (akunnerit oqalliffiit):

UPA 2010	Ullut 16		Ullut 22 (nal. ak. 101)	UKA 2010
UPA 2011	Ullut 18 (nal. ak. 68 + rådhusimi ullut ataatsi- miiffiit 3)		Ullut 27 (nal. ak. 135)	UKA 2011
UPA 2012	Ullut 22 (nal. ak. 130)		Ullut 30 (nal. ak. 156)	UKA 2012
INAT + IMM 2013	Ullut 3 (nal. ak. 6,5)		Ullut 31 (nal. ak. 157)	UKA 2013

2013-imi Ukiakkut ataatsimiin-
neq ulluni 31-ni ataatsimiiffiuvoq.
Qinigaaffimmi siuliani ataatsimiit-

tarnerni allani ullut ataatsimiif-
fiusut nal. akunnerilu oqalliffiit
qassiuneri sanilliullugit qulaani ta-


kussutissiami takuneqarsinnaap-
put. Sanilliussisoqarsinnaaqqu-
lugu takussutissiami ullut
ataatsimiiffiusut aamma akunne-
rit oqalliffiusut ilaatinneqarput.
UKA13-imi akunnerit apeqqute-
qarfiusut qulit ingerlanneqarput,

assersuutitut UKA12-imi arfineq-
pingasut ingerlanneqartut.
UKA13-ip ingerlanerani siulit-
taasoqarfik 14-eriarluni ataatsi-
miippoq, UKA12-imut atatillugu
15-eriarluni ataatsimiittoqartoq.

2014-IMI UPERNAAKKUT ATAATSIMIINNEQ (UPA14)

Inatsisartut upernaakkut ataatsi-
miinnerat marlunngornermi
ulloq 18. marts 2014 aallartis-
saaq. Siunnersuutit Inatsisartunut
Naalakkersuisunullu ilaasortat

upernaakkut ataatsimiinnermi
oqaluuseritikkusutaat kingusin-
nerpaamik tunniunneqareersimas-
sapput ulloq 11. februar 2014 nal.
12.00.



NUTAARSIASSAT KINGULLIIT UANI ATUAKKIT
www.inatsisartut.gl/nutaarsiassat

Inatsisartut · Postboks 1060 · 3900 Nuuk
Telefon +299 34 50 00
inatsisartut@inatsisartut.gl · www.inatsisartut.gl